

上等火藥出售

啟者英國祖家未士碧古威力士及魯倫士火藥公司俱係附搭末士味也洋行代沽並無分附別家發售該公司之火藥加功製作格外幼淨功力甚大遠近馳名現承接英國兵家火藥及各國中國軍營常用此公司之火藥也貨真價實諸君光顧祈移玉至本行面議是荷特此佈聞

光緒八年 香港味也洋行謹啟

辛巳

99

選錄

恭錄諭旨○七月二十二日太常寺題八月十五日祭昆明湖 龍神祠奉 旨遣志和行禮欽此○又同日祭 惠濟祠 河神廟奉 旨遣師曾行禮欽此○二十四日奉 上諭巡視南城御史桂年等奏遵保會同獲盜之紳董一摺著吏部議奏欽此○二十五日奉 旨崇文門正監督著辭職去副監督著穆隆阿去欽此同日奉 旨此案著交卡寶第督同臬司親提人証卷宗秉公嚴訊確情按律定擬具奏原告民人何國彥該部照例解往備質欽此○二十七日奉 上諭御史譚承祖奏京師地面近來藉端生事之人各分地段糾黨肆行設有嫌隙報復毫無忌憚請飭拿究等語著軍機處嚴密查辦此等匪徒肆意擾害似此逞兇滋事不長法殊堪痛恨著步軍統領衙門順天府五城御史一體訪拿從嚴懲辦以儆兇頑而安良善欽此○二十九日奉 上諭書潘祖蔭奏請飭提要証歸案審訊一摺據稱周瑞清被參包攬雲南報銷一案現經嚴訊天順祥乾盛亨商人王敬臣等供稱潘祖蔭在各該舖匯用銀兩請飭提訊等語雲南糧道崔尊經現在請假回籍承昌府知府潘英章業已回任著雲貴總督雲南巡撫安徽巡撫飭令崔尊經潘英章迅速赴部聽候質訊不准稍有遲延太常寺卿周瑞清著聽候查辦毋庸在軍機章京行走欽此

京報

皆同晉省州縣田房契稅每歲徵不過百餘金至數百金仰祈逾格 天恩此後晉省州縣何處能辦清丈者皆由省委員勘明舉辦於清丈開辦之年暫免一年田房契稅計一年所辦不過數縣其於歲入所減不過毫毛而小民踴躍從事田賦可以澈底澄清實糧於地不必求賦於人所損於上者甚細而所益於下者甚宏此亦培養元氣之一助也是否有當伏乞 聖鑒 奏奉 旨已錄

新 城 羊

八月初八日 督憲武弁報 督帶海長清輪船先都司吳瑞祥稟到載勇往虎門回潮陽營儘先守備馬松貴稟知奉潮陽營遊擊劉差來投稟稟○初九日 督憲武弁報 督帶鎮東輪船水師提標中營補用千總范正清稟到由北海回請領各船口糧儘先提標中營補用北海回○八月初九日 督憲憲報 准補連平州陳起超稟到由惠州回補用縣邱炳炳稟辭往順德查封館補用縣杜承泰稟到由惠州公幹回○白書槍銀 前數日有小僮路經十二甫橋東隨而入橫巷內為匪徒攔截將其手中所携銀兩盡行搶去其時適當滿巷來往人稀小僮叫喊時有等代為追趕而匪徒早已遠颺聞此小僮于路上將銀開看鏗然有聲適為匪徒窺見故潛尾其後以槍奪耳鳴轉盜洩不誣矣

天津近耗 初三日上海馬福利西字日報云天津探訪消息者寄來郵筒云前日高麗王叔偕高麗欽使三人往謁李伯相接見之下叙談良久三欽使拜別而去高王叔遂留於伯相處款待頗為殷渥云信息又云是日有西人舟師駕納特設早筵招諸賓客赴筵屆期珍饈畢陳殺豬宰羊皆集眾客齊臨遂依次入席飛鵲傳聲備極其樂無不醉飽德云是日赴會者有高使臣三人馬眉叔觀察蓋盛集也茲聞高王后昨乘靖海輪船抵津會與李伯相相見未知作何公幹豈以有津求取中朝款項欲求釋高王叔歟聞高王后識過人情性聰敏是巾幗中之矯矯者也又聞昨日俄國水師提督由燕臺啟行乘坐俄國炮船拿巴前來天津復由津取道前往京師云又云自日高兩國之事務於妥協以來至今上下宴安共慶昇平云○牛庄消息 初二日牛庄遞來消息云本省崇地山官保昨日由天津乘便輪船回牛庄按崇公往津始亦因高麗之事又云崇公未回牛庄之先有人傳說謂日高之事現經議妥而日本花房公使所索高王叔大院君一欽亦經允許聞高麗現由中朝撥發銀錢五十萬員給與日本從此以後日高有事應歸中朝設法秉公從中調停此一役也高麗之為中朝藩屬明白昭著矣何昔年琉球之事未能速辦也哉○礦務開 上海西字報云茲聞中國有礦地數處將開採前者久知湖北及鎮江近地產有煤鐵兩礦但莫知其礦苗旺否今已有人前往探知礦苗極為豐盛云有一礦地乃在江蘇之西北現有官員胡君雪巖擬力為倡導聯成公司不日開掘又有一礦乃在湖北地方此礦之江蘇西北方之礦更覺豐盛招商局將建鐵料集資從事開掘云兩礦近處林木鬱茂其大數圍均可斬伐作薪以供開礦之用現李左兩相意見相同極力贊成故礦務之成可翹

中 外 新 聞

英都倫敦發來電音 云埃及亂黨頭目其被擒獲者若未奉英廷正法之諭則不能置諸重典殺以示眾電音又云武員衛署將行會議酌辦埃及亂黨務使歸於允洽其為首者得以正典

刑其為從者得以善加處置刻下電文又云俄國與文尼尼羅國集議立有盟約業臻妥協云○法國郵音 法國郵船遞到錫蘭島西歷九月初三日所接倫敦電音云昨在阿爾蘭會城有阿差二百三十四人因赴某處集會不合法律遂被執獲現以兵士為巡邏云昨晚阿爾蘭會城中亂黨匪徒不可勝數肆行騷擾勢甚洶湧幾有燎原莫遏之勢民聞屋宇被毀者不少後有官兵一隊奮勇向前即將亂黨驅逐始各島獸散現兵士向環立街衢以資彈壓云甚矣阿民之好亂也○德國閱兵 德國消息云德王於西歷九月初二日於柏林城近處大閱防兵自第五號第六號砲兵外皆赴較場操演德王將請駐德各國官員同往閱覽想其時定必如茶如火旌旗蔽日矛戟霜寒肅穆之隊成鵠之陣勢若長蛇擊首尾應步伐之整齊行伍之嚴飭難搖如山岳倏起如波濤藉以出奇而制勝自有一番大觀焉矣

鼓浪嶼火燭 廈門遞到消息云初七晨四點鐘鼓浪嶼之和記貨倉偶爾失慎致災焚如祝融肆虐炎伯肆斯時火光燭天烟燄遍地儼若燎原之勢勢難繼繼及至七點鐘其火始熄幸此倉面海而居水龍易於為力且鄰近祇有烟土倉一間餘則空曠之地四無居民不致延燒烟土倉幸人多救護亦不致殃及池魚所焚去者祇此貨倉之煤炭火柴等物餘則無損查其失慎之由則煤炭氣蒸而自燃藏煤者其當慎○輪船擱淺 十二日廈門信息云旗昌洋行之有施亞輪船在上海載茶後再往廈門載茶以便滿載回國詎料於初三日晚間十一點鐘時忽擱於廈門口外金門北方圍頭地方淺處查其擱淺之由則因船主期機誤認北旋燈樓為東旋之火因而直駛以至有是也初四日大副往廈門報知旗昌洋行即借在廈傳教之福音船往僱海龍輪船及駁艇等前往搬運以便船身輕浮退出於險計擬派兵船往為保護以防土人搶掠之虞初五日德忌利士輪船因往福州路經此地亦命舵工等助搬貨物使其船輕初七日海龍輪船由是船載有茶葉等駛回廈門而其船猶未浮出現船主命舵工等預備開行器具待潮長時即鼓輪出險聞是船可載重一千四百二十七噸云

張之洞片 再晉省徵收向無魚鱗冊過割不清輾轉移易或耕無權之地或納無地之糧嗣孫相承莫辨原本州縣僅征但知責之戶頭甲長弱者橫責包賠點者隱匿飛遷於是有戶倒累甲甲倒累里之害加以小民惜稅契之費常有百年恒產但執白約並無紅契災荒以後迷亂益多倘不窮源核實而貿貿然榜答戶甲殷急催科凋瘵窮黎更無生理此一事為晉民之大害今欲去之斷非清丈不可昔賢如宋之朱子明之海瑞呂坤甸朝名儒世咸皆汲汲以清丈為言夫豈獨已微之目前晉省商崇基行之於介休而效焉不獨行之於解州而益效以故解州亦係被災極重之區而至今一無累糧且無荒地成效昭然現據曲沃縣紳民呈懇清丈已飭該縣認真舉辦此外如陽曲縣則因圍糧為累復有缺額錢糧數千金太谷亦有累糧數千金由官照墊陽曲陽曲義民自願清丈因經費未集尚未開辦官當督率司牧因地制宜籌款辦理惟丈地必先查根查根必先查契方不至有隱田缺賦之虞若清丈之先明示根戶令將所有契據繳行呈驗簿鈐印免其此大稅契之費有若從前漏稅之愆並須與民相約取足賦額而止設有主糧盈溢之地亦不增糧則一縣之契自然歡呼雲集一縣之地自然纖悉無遺魚鱗之冊咄嗟可辦然後再行清丈執契求田必無短絀訪之習於晉省吏民情所皆

足而待也聞江蘇蘇州所產之鐵可為建造鐵路之用將來輪車之利可以取資於此矣或謂中國從此以後礦務日盛一日其興也溥焉誠大有可觀矣惟望無從中為之阻撓者如御史之以風水為言真愚者之見也試問風水之說始於何時果有足憑也哉

被押釋放 西報云前有火船名馬利打因在橫濱近處擱淺失事以致沉溺後船中搭客約共三百人盡留日本租賃是船之人不能再行發船前往日本載客回港後經富有輪船將三百人載回羊城富有路經香港灣泊之時本港租馬利打船之舖有夥伴某甲因事到船富有遂即開行載之至省及到省官拘繫置之獄中被押之友聞此消息即代往求之本港督憲港督遂行札至羊城英領事領事移文往請羊城官員將某釋放回港此皆港督及領事之力也西人云觀此事似於例有未合因某乃在水港而非在羊城也華官竟加拘係按之萬國公法實有未符何如耳○疑婦服毒 聞驗屍官將到國家醫院驗屍婦身被陳海年約二十七歲向在妓寮作皮肉生涯前因有病赴東華醫院調治及至十二日下午陳海由醫院回妓寮未幾復回院中忽爾病勢大作東華醫院轉命人昇往國家醫院不久氣絕觀其情形頗屬慘毒而死云

而遙想不日可以竣工從此省垣消息頃刻可知其利便於官場商務豈淺鮮哉○議奏音樂 本港西兵擬於禮拜二晚九點鐘時當金鳥既墜玉兔初升之際奏至公家花園奏樂以助遊人逸興是日正當秋半月圓誠可謂良宵嘉節也想遊者必眾聯袂曳裾將不絕於道矣至時當必天朗氣清纖雲四卷皓月當空無風無雨伯之敗與豈非賞心樂事也哉

貼出續聞 本科頭場貼出未實已錄於十二早行情紙中矣茲接有羊城十二日來函得悉七十一名係是確音然則登藍榜者人數亦不少矣○嘉興奇事 樞有牛鳴晉文翼敵敵惟刀在葛洪登仙與其僅存衣履莫見尸身神官野史所記往往有之不足為奇至見夫人因疾回家因疾身故而其人猶在外營生並未回家者此真令人索解不得而幾疑其有身外身矣滬報謂浙江省嘉興府有某甲娶妻居於主姑鎮地方而已則在天孫錦網織店僱工一日家人見某甲回家詰其何故則稱因病未幾身故殯殮已訖家人疑其其舅往店中取回甲之衣服及至則甲依然在其舅家舅不己知其因病回家之事則茫然不知答無其事其舅之回家莫有解其故者後果官剖棺相驗及至啟棺則衣物猶存屍則不知其何往有等謂為妖狐所幻化此事殊足駭人聽聞錄之以為談助○逆子行兇 葉桂遊手好閒之輩也年約三旬因於十一日在油蔴地毆毆父母被拘到案彭氏葉桂之母也供稱近因葉桂眼痛故我出資供養昨日桂問我取銀不能應手當時為其所毆且於父加以毒詈葉桂供稱問母取銀母不惟不與且毆我我亦反毆之官判原被告每人署券銀十圓保一月內毋得滋事云

往橫濱神戶等埠
啟者本公司有火輪
船壹只名蘇美打
路中旬到港准八月
十八日下午四點開
行前往神戶橫濱長
崎等寶號如有搭客
附貨者請至本公司
面議
西曆一千九百零
八年八月十一日
三菱火輪船公司啟

船約往嶺欲至壬午年
火船前西貢
啟者本號有火船一隻名忌連的准期八月初十日落貨至十六日開行前往西貢如貴客欲付貨搭船者請至本號面議
壬午年八月初三日
上環利記公司啟

啟者本行有石貨倉壹座安頓
貨物倉地四面潔淨且各窓又
能通其氣若安貨物可無朽壞
之虞并有木馬頭壹座長數十
丈凡有輪船貨艇均可灣泊不
拘早晚及禮拜日均能運貨上
落以便各客租倉相宜 諸君
光顧請移玉至本寫字樓面議
特此佈聞

啟者本會準於是月念二日禮拜二下午四點鐘在總寫字樓叙會以定實是月初七日所決之款所決者乃因本會目下照一千八百六十五年公司則例第一款註冊為有限公司今則決意將本會照一千八百六十五年至一千八百八十一年公司則例註冊為有限公司承命謹此佈聞

壬午 八月 初七日 聖三司事人德忌利士謹啟

